

千金翼方卷第二十三

宋朝奉郎守太常卿充秘閣校理林億等校正
明翰林院檢討國史纂修官王肯堂重校
內閣撰文中書舍人加四級金匱華希閔

黃父相癰疽論第一

診癰疽起發處第二

候癰疽色法第三

診知是癰疽法第四

診癰疽膿法第五

候人年得疽法第六

相五色疽法第七

薄貼第八

處療癰疽第九

黃父相癰疽論第一

九江黃父相癰疽論黃帝問於岐伯曰余聞腸胃受
穀上焦出氣以溫分肉而養骨節通腠理中焦出氣
如霧上注谿谷而滲孫脉津液和調變化赤而爲血
血和則孫脉先滿乃注於絡脉絡脉皆盈乃注於經
脉陰陽已張因息乃行行有綱紀成有道理與天合
同不得休止切而調之從虛去實寫則不多疾則氣

持余已知血氣之平與不平未知癰疽之所從生成
敗之時死生之期或有遠近何以知之可得聞乎岐
伯曰經脉流行不止與天同度與地合紀故天宿失
度日月薄蝕地經失紀水道流溢草蘆不成五穀不
植徑路不通民不往來巷聚邑居別離異處血氣猶
然請言其故夫血脉榮衛周流不休上應星宿下應
經數寒氣客於經絡之中則血泣血泣則不通不通
則衛氣歸之不得復反故癰腫也寒氣化爲熱熱勝
則肉腐肉腐則爲膿膿不瀉則爛筋筋爛則傷骨骨

傷則髓消不當骨空骨空不得洩瀉則筋骨枯虛則
筋骨肌肉不相營一作經脈敗漏熏於五臟臟傷故
死矣

診癰疽起發處第二

黃帝曰願盡聞癰疽之形與忌日名岐伯曰略說癰
疽極者有十八種

癰發於嗑中名曰猛疽不急治則化爲膿膿不瀉塞
咽半日而死其化爲膿者膿瀉已則含豕膏無食三

日已

一云無
冷食

發於脛者名曰天疽大而赤黑不急治則熱氣入

陽氣大發消腦流項名曰腦爍疽其色不樂一作項除

痛如刺以鍼心煩者死不可治

發於肩及臑名曰疵疽其狀赤黑不急治此令人汗

出至足不害五藏發四五日逆焮之逆一作逞

發於腋下赤堅者名曰朱疽治之用砭石欲細而長

疎啟之塗以豕膏六日已勿衰其疽堅而不潰者爲

馬刀挾嬰急治之衰一作裹

發於背名曰井疽其狀如大豆三四日起不早治下

入腹中不治七日死

發於膺名曰甘疽其狀如穀實瓜樓常枯寒熱急治之去其寒熱不治十歲死死後膿自出

發於脇名曰敗𦵿敗𦵿者女子之病也久之其狀大癰膿其中乃有生肉大如赤小豆治之方

劉陵翹草及根各一斗以水一斗六升煮取二升卽薑飲厚衣坐釜上令汗出足矣

發於股脢名曰股脫疽其狀不甚變色癰膿內搏於骨不急治三十日死

發於股陰名曰赤弛不急治六十日死在兩股內者

不治一云六

死

發於膝名曰疵疽其狀大癰色不變寒熱而堅勿石之石之卽死須其色異柔乃石之也

諸癰發於節而相應者不可治也

發於陽者百日死

發於陰者三十日死

一云四十日死

發於脛名曰兔齧其狀如赤豆至骨不急治殺人

發於踝名曰走緩其狀色不變數石其輸而止其寒

熱不死

發於足上下名曰四淫其狀大癰不急治百日死

發於足傷名曰癰疽其狀不大初從小指發急治之
去其黑者不消輒益不治百日死

發於足指名曰脫疽其狀赤黑則死不赤黑不死治
之不衰急斬去之活也不斬去者死

黃帝曰夫子言癰疽何以別之岐伯曰榮氣稽留於
經脉之中則血泣而不行不行則衛氣歸之歸之而
不通壅遏不得行故曰熱大熱不止熱勝肉腐則爲
膿然不能陷肌膚於骨髓不爲焦枯五藏不爲傷故
命曰癰可謂自谷曰熱氣純盛下陷肌膚傷隨骨肉

命曰疽疽者其上皮大癢以堅如牛領之皮癰者其上皮薄以澤此其候也帝曰善

帝曰有疽死者奈何岐伯曰身有五部伏菟一腓二

一云

背三五藏之輸四項五五部有疽死也

帝曰形應九宮奈何岐伯曰請言身形應九野

左足應立春其日戊寅巳丑

左胸應春分其日巳卯

左手應立夏其日戊辰巳巳

膺喉頭首應夏至其日丙午

右手應立秋其日戊申巳未

右胸應秋分其日辛酉

右足應立冬其日戌戌巳亥

腰尻下窮應冬至其日壬子

六腑及膈下二藏應中州大禁太一所在之日及諸
戌巳也凡候此九者善候八正所在之處所主左右
上下身體有癰腫者欲治之無以其所直之日潰治
之是謂天忌日也

凡五子日夜半

五丑日雞鳴

五午日日中

五未日日昃

五申日晡時

五酉日日入

五戌日黃昏

五亥日人定

右以此日時遇疾發癰者不起也

候癰疽色法第三

論曰夫癰疽初發如微人多不以爲急此實奇患惟宜速治之治之不速病成難救以此致禍能不痛哉且述所懷以悟後賢謹按黃父癰疽論論癰所著緩急之處死生之期如左

金匱要略卷三
發皮肉淺腫高而赤貼卽消不治亦愈

發筋肉深腫下而堅其色或青黃或白黑或復微熱而赤宜急治之成消中半

發附骨者或未覺肉色已殃已殃者癰疽之甚也

發背外皮薄爲癰皮厚爲疽如此者多見先兆宜急治之皮堅甚大者多致禍也

夫癰壞後有惡肉者當以豬蹄湯洗去穢次傳食肉膏散惡肉盡乃傳生肉膏散及摩四邊令善肉速生當絕房室慎風冷勿自勞動須筋脉平復乃可任意耳不爾新肉易傷傷則裏潰重發則禍至慎之慎之

診知是癰疽法第四

癰疽之發未辨是非饑渴爲始發之時或發白疽或似小癰或復大痛或復小痛或發米粒大白膿子皆是微候宜善察之欲知是非重按其處是則便隱痛復按四邊比方得失審實之是卽灸第一便灸其上二三百壯又灸四邊一二百壯小者灸四邊中者灸六處大者灸八處壯數不虛多也亦應卽薄貼令得卽消內須服解毒冷藥令毒氣出外外須薄貼熱藥法當瘡開其口令洩熱氣故也

診癰疽有膿法第五

凡膿按之太堅者未有膿半堅半軟者半有膿當上
薄者都有膿有膿便可破之不爾侵食筋骨也
破之法應在下逆上破之令膿易出用鉞鉞膿深難
見肉厚而生者用火鉞若不別有膿者可當其上數
按之內便噫痛殃堅者未有膿洩去熱氣不爾長速
則不良

候人年得疽法第六

岐伯曰赤疽發於額不寫十餘日死可刺也其膿未
多血死未有膿可治人年二十五三十一六十
九十五人神在額不可見血見者死

色黑見膿而癰者死不可治人年十九二十三

三十五四十九五十一五十五六十一

七十八九十九神在兩耳下不可見血見者死

蜂疽發背起心僉若肩髃二十日不寫死其八日可

刺也其色赤黑膿見者死不治人年六歲十八

二十四三十五五十六六十七七十二

九十八神在肩不可見血見者死

刺疽發肺僉若肝僉不寫二十日死其八日可刺發

而赤其上肉如椒子者死不可治人年十九二十

五 三十三 四十九 五十七 六十八 七十

三 八十一 九十七 神在背不可見血見者死

俠癰疽發脅起若兩肘頭二十五日不寫死其九日

可刺發赤白間其膿多白而無赤可治年十六二

十六 三十二 四十八 五十八 六十四 八

十一 九十六 神在脅不可見血見者死

勇疽發股起太陰若伏菟二十五日不寫死其十日

可刺發青膿赤黑者死白者尚可治年十一十五

二十 三十一 四十三 四十六 五十九